

Ա. Ա. ԼԱԼԱՅԱՆ

Ն. Ի. ՊԻՐՈԳՈՎԸ ԵՎ ՆԱԽԱՍՈՎԵՏԱԿԱՆ ՇՐՋԱՆԻ ՀԱՅ ԲԺՇԿԱԿԱՆ
ՀԱՍԱՐԱԿԱՅՆՈՒԹՅՈՒՆԸ

(Մահվան 75-ամյակի առթիվ)

Ռուս հռչակավոր վիրաբույժ և անատոմ Ն. Ի. Պիրոգովի անունը սերտորեն կապված է նաև հայ բժշկության հետ: Այդ ամենից առաջ վերաբերում է Կովկասում Ն. Ի. Պիրոգովի ճանաչված հորհորդությունը, որը հայրենական բժշկության պատմության հետաքրքրական և արժեքավոր էջերից մեկն է: 1847 թվականին Ն. Ի. Պիրոգովը, իր ասիստենտ Պ. Ցու. Նեմերտի և ավագ բուժակ Կալաշնիկովի հետ միասին, Պետերբուրգից գործուղվում է Կովկաս: Գործուղման նպատակն էր՝ ռազմի դաշտում ուսումնասիրել լքերի գոլորշիների, որպես ցավազրկող միջոցի, ազդեցությունը վիրաբուժական օպերացիաների ժամանակ և այդ ուսուցանել տեղի զինվորական բժիշկներին: Պիրոգովի գործուղման նպատակը միայն դրանով չէր սպառվում: Նա պետք է փորձարկեր վիրավորներին տեղափոխելու միջոցները լեռնային պայմաններում, Կովկասի բժիշկներին հաղորդեր վիրաբուժական իր մեծարժեք փորձը, բացահայտելով տեղի հոսպիտալիների և բնդհանրապես ռազմա-դաշտային բուժօգնության բարելավման միջոցները: Պիրոգովն իր հետ տանում էր լքերային նարկոզի համար անհրաժեշտ ապարատուրա և դեղորայք:

Ինչու իր գործուղման ճանապարհին, Պյատիգորսկում, օգտվելով այն հանգամանքից, որ այդտեղ հիվանդների հետ միասին եկել էին նաև զգալի թվով զինվորական բժիշկներ, Պիրոգովը նրանց ցուցադրում է լքերի գոլորշիների գործադրումը: Նոր միջոցը իր բնորոշական մկրտությունը՝ ստանում է ռազմի դաշտում, Իսախանի դաշտային լազարետներում: Միայն Սալթովի պաշարման ժամանակ, Պիրոգովը 100-ից ավելի վիրաբուժական օպերացիաներ է կատարում, որպես ցավազրկման միջոց կիրառելով լքերի գոլորշիները: Ռազմա-դաշտային պայմաններում ապացուցելով լքերի գոլորշիների, որպես ցավազրկող միջոցի, պիտանիությունը, այդ միջոցը ներդրելով սրակտիկայում, կիրառելով այն և սովորեցնելով զինվորական բժիշկներին, Պիրոգովը դրանով չի սահմանափակվում: Նա կիրառում է նաև իմմոբիլիզացնող վիրահայք, լուծում վերքերի մշակման բարդ հարցերը:

Ն. Ի. Պիրոգովը իր խորաթափանց մտքով բացահայտել է Կովկասի բժիշկների գործունեության առանձնահատկություններն ու դժվարությունները, ըստ արժանվույն բարձր գնահատելով նրանց աշխատանքը:

Ն. Ի. Պիրոգովը իր ճանապարհորդության նկարագրությունը և արդյունքներն ամփոփել է «Հաշվետվություն Կովկասում կատարված ճանապարհորդության վերաբերյալ» աշխատության մեջ, որտեղ տրված են նաև Պիրոգովի դիտողությունները ասիական տեղացի բժիշկների վերաբերյալ: Այս հատվածը որոշակի նշանակություն ունի մասնավորապես Կովկասի բժշկության պատմության համար: Պիրոգովը նշում է «ասիական բժիշկներից» ոմանց վարպետությունն ու փորձը հրազենային վերքերի բուժման գործում:

Խոսելով Թիֆլիսից ուտացած իր տպավորությունների մասին, Ն. Ի. Պիրոգովը գրում էր. «Ներքին ժամանակներս Ռուսաստանից այստեղ են գալիս ավելի ու ավելի շատ բժիշկներ, իսկ տեղացիներից առավելապես հայերը ուղարկվում են իրենց զավակներին մեր համալսարանները՝ բժշկություն սովորելու և այժմ արդեն շատ հայ բժիշկներ կան ռուսական ծառայության մեջ» [1]:

Ականավոր գիտնականի ուշադրությունից չի վրիպել այն փաստը, որ հայերը դեռ շատ տարիներ առաջ մեծ ձգտում են հանդես բերել զեպի ռուս բժշկությունը: Պետերբուրգի ռազմաբժշկական ակադեմիայում Պիրոգովին աշակերտել են նաև հայ ուսանողներ, որոնք հետագայում ծառայել են ինչպես Ռուսաստանի տարբեր վայրերում, այնպես էլ Կովկասում: Կովկասում ծառայած ռուս, հայ, վրացի և այլ ազգությունների պատկանող բժիշկները մեծ սիրով ու երախտագիտությամբ են նշել իրենց ուսուցիչ Ն. Ի. Պիրոգովի գործունեությունը, Դրա փայլուն ապացույցներից մեկն է դեռևս 1865 թվականին նրան Կովկասյան բժշկական ընկերության

պատվավոր անդամ ընտրելու և այդ ընկերությունը, որ հիմնվել էր 1864 թվականին, իր գոյության ստաջին իսկ տարում պատվավոր անդամ էր ընտրում Պիրոգովին:

Այդ նույն ժամանակաշրջանում էլ, սկսած անցյալ դարի 60-ական թվականներից, Ն. Ի. Պիրոգովի անունը հանդիպում է հայկական պարբերական մամուլի էջերում:

1868 թվականին «Հայկական Աշխարհ» հանդեսում հրատարակվել է Ն. Ա. Դորրոյությունովի «Քանի մի խոսք դաստիարակության վրա» վերնագիրը կրող հոդվածը, որտեղ ընկալվում է Ն. Ի. Պիրոգովի «Կյանքի խնդիրները» աշխատությունը: Հոդվածի ծանոթագրության մեջ Ն. Ի. Պիրոգովը հայ ընթերցողին է ներկայացվում հետևյալ խոսքերով՝ «Պիրոգովը Ռուսիայի երեւի մանկավարժ և լավ դոկտոր է» [2]:

Այս հոդվածում մենք նպատակ չունենք կանգ առնելու Ն. Ի. Պիրոգովի մանկավարժական հայացքների՝ հայ իրականության մեջ ունեցած արձագանքների վրա: Այդպիսի արձագանքներն անհիշելի են, և դրանց մեջ արժեքավորվել են նրա մատուցած ծառայությունները և բացահայտվել նրա սխալները, որոնք իր ժամանակին այնքան կրակոտ կերպով բնութագրվեցին հատկապես Դորրոյությունովի կողմից: Ուշագրության արժանի է այն փաստը, որ հայ իրականության մեջ Ն. Ի. Պիրոգովին որպես մանկավարժի բնութագրող հոդվածներում, թեպետ թուույնիկ կերպով, բայց և այնպես համարյա միշտ շեշտվում է նրա մատուցած հսկայական ծառայությունները ու թշկության զարգացման գործին:

1881 թվականին լրացավ Ն. Ի. Պիրոգովի դիտական-մանկավարժական և հասարակական գործունեության 50-ամյակը: Այս նշանավոր հոբելյանը իր ջերմ արձագանքը գտավ նաև Կովկասում: Կովկասյան Բժշկական ընկերությունը հոբելյարին ուղարկեց ջերմ բովանդակությամբ ուղերձ [3]:

Պիրոգովի հոբելյանից շատ չանցած, Ռուսաստանի ստաջավոր հասարակայնությունը խորին կսկիծով լսեց նրա մահվան լուրը, որը ծանր վշտով ընդունվեց նաև հայ իրականության մեջ:

Կովկասյան Բժշկական ընկերությունը, ի նշան մեծ Պիրոգովի մահվան կապակցությամբ խորը վշտի ու ցավակցության և նրա հիշատակի հանդեպ իր խորը հարգանքի, որոշեց ընդհատել իր 1881 թ. դեկտեմբերի 1-ի նիստը, որտեղ առաջին անգամ հայտնվում էր Ն. Ի. Պիրոգովի մահվան մասին: Որոշվեց նաև սե շրջանակում հրատարակել ընկերության նիստի այն արձանագրությունը, որտեղ պետք է տեղեկություն հաղորդվեր Պիրոգովի մահվան մասին: Ն. Ի. Պիրոգովի այրուն ուղղված հեռագրում Բժշկական ընկերությունը խորը ցավակցություն էր հայտնում իր սիրելի ուսուցչի մահվան առթիվ [4]:

Ն. Ի. Պիրոգովի մահվանից հետո անցած տարիների ընթացքում ոչ թե խամրում, այլ զնալով ավելի պայծառ է դառնում այդ մեծանուն գիտնականի հիշատակը: Հայ հեղինակները մի շարք դեպքերում վկայակոչում են Ն. Ի. Պիրոգովի հեղինակությունը այս կամ այն հարցը մեկնաբանելու կապակցությամբ: Այդպիսիներից է կանանց բարձրագույն կրթության հարցը Դեռևս 1886 թ. «Մշակ» թերթում [5] վերահիշյալ հարցին նվիրված հոդվածում հեղինակն ընդարձակ մեջբերումներ է կատարում կանանց կրթության օգտին Ն. Ի. Պիրոգովի արտահայտած մտքերից:

Հայտնի է, թե ինչպիսի կարևոր նշանակություն է տվել Ն. Ի. Պիրոգովը պրոֆիլակտիկ բժշկությանը՝ հիգիենային: Պիրոգովյան այս դրույթը հայ իրականության մեջ պրոպագանդվել է մի շարք հայ բժիշկների, այդ թվում Ա. Բուդուդյանի կողմից: 1910 թվականին Ա. Բուդուդյանը «Դյուդաունտես» շաբաթաթերթում տպագրած իր առողջապահական զրույցներում, կանգ առնելով պրոֆիլակտիկ բժշկության նշանակության վրա, մեջբերում է Ն. Ի. Պիրոգովի խոսքերը. նա գրում է. «Հիշենք ամենամեծ բժիշկներից մեկի՝ հանգուցյալ Պիրոգովի խոսքերը. — «Բժշկական դիտության իսկական առաջադիմությունը առողջապահության մեջ է, ապագան պատկանում է նախագգուշացնող բժշկականությանը» [6]:

Ինքը Բուդուդյանը հայ իրականության մեջ պիրոգովյան վերահիշյալ դրույթի կիրառման ասպարեզում մեծ դործ կատարեց որպես բժշկական դիտելիքների ժողովրդականացնող:

Կովկասի բժիշկներն րստ արժանվույն բարձր են զնահատել մեծ Պիրոգովի ծառայությունները: Իրա յավագույն ապացույցներից մեկն է 1906 թվականին Կովկասյան բժշկական ընկերության հանդիսավոր նիստը՝ նվիրված Ն. Ի. Պիրոգովի հիշատակին:

1906 թ. նոյեմբերի 23-ին Բիֆլիսում Կովկասյան բժշկական ընկերությունը նշեց Ն. Ի. Պիրոգովի մահվան 25-ամյակը: Այդ հանդիսավոր իրադրությունը դործուն մասնակցություն ունեցան, բացի բժիշկներից, նաև մանկավարժները: Հոբելյանական նիստում լավեցին մի շարք

զեկուցումներ՝ նվիրված Ն. Ի. Պիրոգովի կյանքին ու գործունեությանը և նրա դերին հայրենական գիտության զարգացման գործում:

Այդ հանդիսավոր նիստին գործուն մասնակցություն ունեցան նաև հայազգի բժիշկները: Ի. Բ. Փիրագովը զեկուցեց «Ն. Ի. Պիրոգովի կյանքի և գործունեության համառոտ ակնարկ» թեմայով [7]:

1910 թվականին լրացավ Ն. Ի. Պիրոգովի ծննդյան 100-ամյակը, որը Ռուսաստանի առավել հասարակության կողմից մեծ սիրով ու երախտագիտությամբ նշվեց Մոսկվայում, Պետերբուրգում, Խարկովում և այլուր: Իրա չնրա՝ արձագանքները լսվեցին նաև հայ իրականության մեջ:

1910 թվականին «Մշակ» թերթում հրապարակվեց «Մեծ հումանիստը» [8] վերնագրով ընդարձակ հոդվածը՝ նվիրված Ն. Ի. Պիրոգովի ծննդյան 100-ամյակին: Այս հոդվածում տրված է Պիրոգովի կենսագրությունը՝ թերթի ծավալի համար քափականաչափ ընդարձակ չափով: Հոդվածագիրը չի թաքցնում իր հիացմունքը ողու մեծ գիտնականի ծառայությունները արժևորելիս: Նա Պիրոգովին որակում է որպես «բժշկության տիտան», «փայլուն անուն», «տաղանդավոր գիտնական», «աշխարհահռչակ բժիշկ», «մեծ հումանիստ», Հոդվածագիրը նշում է, որ Պիրոգովի անունը նոր դարագլուխ է կազմում ողու բժշկության մեջ: Վերահիշյալ հոդվածը գրված է Մոսկվայից, և հեղինակը նկարագրում է, թե ինչպիսի միջոցառումներ են ձեռնարկված և նախատեսվում Պիրոգովի ծննդյան 100-ամյակը հավերժացնելու համար: Հոդվածում բերվում են փաստեր այն մասին, որ ցարական ադմինիստրացիան ամեն կերպ ձգտել է արգելակել պիրոգովյան հոբելյանի կատարումը:

Նշելով, որ Մոսկվայում տեղի ունեցան Պիրոգովին նվիրված երեկոներ և ժողովներ, հեղինակն ավելացնում է. «Իսկ ժողովներից մի քանիսը շթույատրվեցին նույնիսկ քաղաքապետի կողմից»:

Մոսկվայի համալսարանում Պիրոգովի հիշատակին նվիրված հանդիսավոր նիստը ոստիկանության ներկայացուցչի կարգադրությամբ ընդհատվեց: Մասնակիցները դայրացան և բողոքեցին:

«Պատճառը, — լսվեց հասարակության արդարացի բողոքը: — Որովհետև ճառերը անցանկանալի ընույթ են ստանում, — մեկնաբանում է պրիստավը, որից հետո պրոֆ. Թեյնը դառնալով հասարակությանը, հայտարարում է, որ ժողովը փակվում է ոստիկանության ներկայացուցչի պահանջի համաձայն»:

Այնուհետև, պատմում է հոդվածագիրը, որպես այդ ամենի ականատես, մենք ստիպված եղանք ցրվելու, ինքնին»:

1911 թվականին «Մշակ» թերթում «Պիրոգովի հիշատակին» [9] վերնագրից կրող հոդվածում նկարագրվում է Խարկովի բժշկական ընկերության հանդիսավոր ժողովը՝ նվիրված Ն. Ի. Պիրոգովի ծննդյան 100-ամյակին:

Հեղինակը՝ Խարկովի համալսարանի բժշկական ֆակուլտետի մի հայ ուսանող, իր հոգվածում մի շարք քաղվածքներ է բերում այդ հանդիսավոր ժողովում Ն. Ի. Պիրոգովի կյանքի և գործունեության վերաբերյալ կարգապահ զեկուցումներից:

Վերը նշված հոդվածը Ն. Ի. Պիրոգովին նվիրված հանդիսավոր երեկոյի սոսկ նկարագրությունը չէ: Այստեղ հեղինակն արտահայտել է իր ջերմ, հիացմունքով լի վերաբերմունքը ողու մեծ գիտնականի հիշատակի նկատմամբ: Նա գրում է, որ մեծ, հանճարեղ մարդիկ անմահ են, քանի որ ժողովուրդը, այն ժողովուրդը, որին նրանք սիրել և ծառայել են, իր մեջ վառ ու անմահ է պահում դրանց հիշատակը: Հեղինակը դրանց շարքին է դասում ողու ազգի մեծ գավակ Պիրոգովին, որի ստեղծագործությունները նրա մահվանից շատ տարիներ հետո մնացել են անգուն և կենդանի:

«Նոր պարոց» հանդեսում տպագրվեց հատուկ հոդված՝ նվիրված Ն. Ի. Պիրոգովի ծննդյան 100-ամյակին [10]:

Այսպիսով, Ն. Ի. Պիրոգովի ծննդյան 100-ամյակի հոբելյանը ջերմ արձագանք գտավ նաև հայ պարբերական մամուլի էջերում, որտեղ բարձր արժեքավորվեցին Պիրոգովի մատուցած ներդրումը հայրենական ծառայությունները ողու բժշկության զարգացման գործում: Ն. Ի. Պիրոգովի ծննդյան 100-ամյակը նշվեց նաև Կովկասյան բժշկական ընկերության կողմից, Թիֆլիսում: Կովկասյան բժշկական ընկերության այդ ժամանակվա նախագահ Ս. Ս. Իստամանյանը նույն ընկերության 1910 թ. նոյեմբերի 13-ի նիստում Ն. Ի. Պիրոգովի հիշատակին նվիրված իր հակիրճ

խոսքում նրան ընդորոշում է որպես ուսուցիչ թիշկություն յուսատու, որի անունը սիրելի է ամեն մի ուսուցիչի համար: Հոսնկայս հարգելով Պիրոգովի հիշատակը, ընկերության անունից Մոսկվա՝ Պիրոգովի անվան ուսուցիչների ընկերության վարչությանը հեռագիր է ուղարկվում: Այդ հեռագրում ասվում էր, որ բովանդակ Ռուսաստանի թիշկների հետ մեկտեղ Կովկասյան բժշկական ընկերությունը նշանավորելով Ն. Ի. Պիրոգովի ծննդյան 100-ամյակը, Պիրոգովյան ընկերությանը իր երախտագիտությունն է հայտնում մեծ ուսուցչի հիշատակը հավերժացման: Ազատան— նրա անվան տուն հիմնելու կասկածություններն է իր նվիրարությունն է ուղարկում այդ վեհ նպատակին [11]:

Ն. Ի. Պիրոգովի ծննդյան 100-ամյակին նվիրված՝ Կովկասյան բժշկական ընկերության նիստում գիտական գեկուցումով հանդես եկավ հայաշգի թիշկ Գ. Ն. Տեր-Ներսեսովը: Դեռ 1901 թ. ավարտելով Մոսկվայի համալսարանը, Գ. Ն. Տեր-Ներսեսովը վիրաբուժության մեջ մասնագիտացավ պրոֆ. Տրոյանովի մոտ, նախկին Օբուխովյան հիվանդանոցում: Բաքվում և Երևանում, իսկ հետագայում Թիֆլիսում, Գ. Ն. Տեր-Ներսեսովը իրավամբ վարպետ վիրաբույժի հոշակ էր վայելում: Նա ապրեց մինչև մեր օրերը, Կովկասում ծավալելով իր փայլուն վիրաբուժական գործունեությունը: Գ. Ն. Տեր-Ներսեսովի գրչին են պատկանում մի քանի տասնյակ գիտահետազոտական աշխատանքներ:

Ն. Ի. Պիրոգովի հորելյանին նվիրված վերահիշյալ նիստում Գ. Ն. Տեր-Ներսեսովը հանդես եկավ «Ուղեղի գլխուսարկումայի դեպք» վերնագիրը կրող գեկուցմամբ, որը հեղինակը նվիրում էր Ն. Ի. Պիրոգովի հիշատակին:

Ն. Ի. Պիրոգովի հիշատակը այդպես էլ միշտ վառ ու պայծառ մնաց նաև հայ բժիշկների սրտերում:

Ստացվել է 24. IX—1956 թ.

А. А. ЛАЛАЯН

Н. И. ПИРОГОВ И ДОСОВЕТСКАЯ АРМЯНСКАЯ МЕДИЦИНСКАЯ ОБЩЕСТВЕННОСТЬ

Р е з ю м е

В работе представлены материалы, относящиеся в основном к откликам учения Н. И. Пирогова и оценке его заслуг со стороны врачей Кавказа, в особенности армян.

Приведенные факты свидетельствуют о том, что память о Н. И. Пирогове всегда была и останется ярким и светлым в сердцах также врачей-армян.

Գ Ր Ա Վ Ա Ն Ո Ւ Թ Յ Ո Ւ Ն

1. Пирогов Н. И. Отчет о путешествии по Кавказу. Медгиз, 1952.
2. «Հայկական Աշխարհ», № 8, 1868 թ.:
3. Протокол заседания Кавказского медицинского общества от 2 мая, № 2, стр. 13—14. 1881 г.
4. Протокол заседания Кавказского медицинского общества от 1 декабря, № 11, 1881.
5. «Մշակ», № 133, 1886 թ.:
6. «Գյուղատնտես», № 6, էջ 80, 1910 թ.:
7. Протокол торжественного заседания Кавказского медицинского общества, посвященного памяти Н. И. Пирогова, № 11 от 23 ноября 1906 г.
8. «Մշակ», № 280, 1910 թ.:
9. «Մշակ», № 17, 1911 թ.:
10. «Նոր-դար», № 13, 1910 թ.:
11. Протокол заседания Кавказского медицинского общества № 10, от 13 ноября 1910 г.